

6.

Na osnovu odredbe člana 13. stav 2. alineja 18. Zakona o principima lokalne samouprave u Federaciji BiH („Službene novine FBiH“, broj 49/06 i 51/09) i odredbe člana 21. tačka 2. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac, na 34. redovnoj sjednici održanoj 30.04.2024. godine, donosi

### ODLUKU

#### o davanju saglasnosti na kreditno zaduženje JZU Centar za fizikalnu medicinu, rehabilitaciju i banjsko liječenje „Ilidža“ Gradačac

##### Član 1.

Ovom Odlukom daje se saglasnost JZU Centar za fizikalnu medicinu, rehabilitaciju i banjsko liječenje „Ilidža“ Gradačac da se kreditno zaduži kod UniCredit Bank, d.d., Mostar u iznosu od 1.000.000,00 KM (jedan milion konvertibilnih maraka).

##### Član 2.

Kreditno zaduženje iz člana 1. ove odluke realizovati će se za:

- Nastavak izgradnje II faze objekta JZU Banja „Ilidža“ Gradačac – unutrašnji radovi radi puštanja u opticaj 40 kreveta,
- Bušenje novog bunara na izvorištu,
- Rekonstrukciju kotlovnice.

##### Član 3.

Kreditno zaduženje iz člana 1. ove odluke realizovati će se pod sljedećim uslovima:

- Iznos kredita 1.000.000,00 KM,
- Rok otplate 4 godine,
- Ukupni troškovi kredita (kamata i troškovi obrade) 69.606,73 KM,
- Bez grace perioda.

##### Član 4.

Za potpisivanje ugovora o kreditu ovlašćuje se direktor JZU Centar za fizikalnu medicinu, rehabilitaciju i banjsko liječenje „Ilidža“ Gradačac.

##### Član 5.

Ovom odlukom Budžet Grada Gradačac ne preuzima finansijski, ni kreditni rizik za izmirenje obaveza po kreditu, niti daje garancije za izmirenje obaveza.

##### Član 6.

Ova odluka stupa na snagu danom donošenja a objaviti će se u „Službenom glasniku Grada Gradačac.“

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
GRAD GRADAČAC  
- Gradsko vijeće -

Broj: 01-04-140/24

Datum: 30.04.2024.god.

G r a d a č a c

PREDSJEDAVAJUĆI  
GRADSKOG VIJEĆA  
Mustafa H. Adulović, s.r.

7.

Na osnovu člana 13. stav 2. alineja 5. i člana 35. Zakona o principima lokalne samouprave u FBiH („Službene novine FBiH“, broj 49/06 i 51/09), člana 22. stav 2. Zakona o stvarnim pravima („Službene novine FBiH“, broj 66/13 i 100/13), člana 62. stav 2. alineja 9. Zakona o prostornom uređenju i građenju („Službene novine TK“, broj: 6/11, 4/13, 15/13, 3/15, 2/16, 4/17, 22/22 i 20/23) i člana 21. tačka 7. Statuta Grada Gradačac („Službeni glasnik Grada Gradačac“, broj 10/22), Gradsko vijeće Grada Gradačac, na prijedlog Gradonačelnika, na 34. redovnoj sjednici održanoj 30.04.2024. godine, donosi

### ODLUKU

#### o davanju saglasnosti za bušenje bunara

##### Član 1.

Grad Gradačac kao nosilac prava raspolaganja na dobru u općoj upotrebi označenom kao:

- k.č.br. 1228/1 Banja Ilidža pašnjak 1. klase površine 8982 m<sup>2</sup> upisana u PL 3263, u el.zk.ul.br. 3256 k.o. Gradačac I daje saglasnost JZU Centar za fizikalnu medicinu, rehabilitaciju i banjsko liječenje „Ilidža“ Gradačac, da može vršiti bušenje bunara na parceli, a u svrhu osiguranja glavnog resursa rada (vode) za obavljanje registrovane djelatnosti.

##### Član 2.

JZU Centar za fizikalnu medicinu, rehabilitaciju i banjsko liječenje „Ilidža“ Gradačac je dužna u skladu sa zakonskom regulativom prikupiti potrebnu dokumentaciju za bušenje bunara, a za čije izdavanje je nadležno Ministarstvo prostornog uređenja TK.